



Теңізшевройл Деректер мен дәйектер

2024 жылдың екінші тоқсаны

Тарих/Қатысушылар

- Әлемдегі ең терең және ірі мұнай кеніштерінің бірі болып саналатын Теңіз мұнай кеніші 1979 жылы ашылды.
- «Теңізшевройл» жауапкершілігі шектеулі серіктестігі (әрі қарай - ТШО) 1993 жылы 6 сәуірде Қазақстан Республикасы мен «Шеврон» компаниясы арасында жасалған келісім негізінде құрылды.
- Қазіргі таңдағы ТШО серіктестері: «Шеврон» - 50%, «ҚазМұнайГаз» ҰҚ» АҚ - 20%, «ЭксонМобил Қазақстан Венчурс Инк.» - 25% және «Лукойл» - 5%.

Өнім өндіру/Қорлар

- Теңіз коллекторының жалпы барланған қоры 3,1 миллиард тонна (25 миллиард баррель), ал Королев кен алаңында 200 миллион тонна (1,6 миллиард баррель) мұнайды құрайды.
- Теңіз және Королев кеніштерінен алынатын мұнай қоры -1,4 миллиард тонна (11,5 миллиард баррель).
- Теңіз коллекторының ені 20 шақырым (12 миль), ұзындығы 21 шақырым (13 миль).
- ТШО 2008 жылы Шикі газ айдау және Екінші буын зауыты (ШГА/ЕБЗ) жобасын аяқтап, нәтижесінде мұнай өндірудің тәуліктік көлемін шамамен 80 мың тоннаға (640 мың баррель), ал табиғи газды 25 миллион текше метрге (870 миллион текше фут) жеткізді.
- 2024 жылдың бірінші жарты жылында шикі мұнай өндіру көлемі 14,4 миллион тоннаға (114,6 миллион баррель) жетті.

Денсаулық сақтау, өнеркәсіп қауіпсіздігі және қоршаған ортаны қорғау

- ТШО 2000 жылдан бері табиғат қорғау шараларын жүзеге асыруға 3,2 миллиард АҚШ доллары көлемінде инвестиция салды.
- 2000 жылдан бері өндірілген мұнайдың бір тоннасына шаққандағы атмосфераға жіберілген шығарындылардың көлемі 76%-ға азайды.
- ТШО 2024 жылдың бірінші жарты жылдығында өндірілген газдың 99,3%-ын кәдеге жаратты.
- 2024 жылдың бірінші жарты жылдығында суды қайтадан пайдаланудың жалпы көрсеткіші 47%-ды құрады. ТШО тұрмыстық ағын суларды кәдеге жарату, сондай-ақ өнеркәсіптік мақсатта тазарту және қайта пайдалану арқылы суды үнемдеу бағытындағы іс-шараларды одан әрі жүзеге асыруды жалғастыруда.
- ТШО қалдықтардың 35 түрін қайта өңдеуге жібереді. 2024 жылдың екінші тоқсаны соңында қалдықтарды қайта өңдеу бойынша жалпы көрсеткіш 57%-ға жетті.

Өнімдерді өткізу

- ТШО 2024 жылдың бірінші жарты жылдығында 669 мың тонна сұйытылған газ және 1,4 млн тоннадан аса күкірт өткізді.
- Кәсіпорын 2024 жылдың бірінші жарты жылдығында 575 миллион текше метрден астам құрғақ газ өндіріп, Қазақстанның газ құбыры желісіне жеткізді. ТШО өндірілген құрғақ газдың түгелге жуық көлемін ішкі нарыққа өткізеді.

Қазақстан Республикасы экономикасына қосқан үлесі

- ТШО-ның 1993 жылдан бастап 2024 жылдың екінші тоқсаны аралығындағы Қазақстан Республикасына тікелей қаржылай төлемі кәсіпорынның жергілікті қызметкерлеріне төленген еңбекақыны, қазақстандық тауар өндірушілер мен қамтушылардың өнімдері мен қызметтерін сатып алуға жұмсалған қаржыны, мемлекеттік кәсіпорындарға аударылатын төлемдерді, қазақстандық



Теңізшевройл Деректер мен дәйектер

2024 жылдың екінші тоқсаны

серіктеске бөлінген дивидендтерді, сонымен қатар мемлекеттік бюджетке аударылған салық пен роялтиді қоса алғанда 196 миллиардтан астам АҚШ долларын құрады.

- 2024 жылдың бірінші жарты жылдығында Қазақстан Республикасына төленген тікелей төлем көлемі 6,2 миллиард АҚШ долларына жуық қаржыны құрады.
- ТШО 2024 жылдың бірінші жарты жылдығында Келешек кеңею жобасы – Ұңғы ернеуіндегі қысымды басқару жобасы (ККЖ-ҰЕҚБЖ) шеңберінде жұмсалған 760 миллион АҚШ долларынан астам қаржыны қоса алғанда қазақстандық қамтуды дамытуға 1,5 миллиард АҚШ доллары шамасында қаржы жұмсады.
- Кәсіпорын 1993 жылдан бері 49,2 миллиардтан астам АҚШ долларына қазақстандық қамтушылардың тауарлары мен қызметтерін сатып алды.

Қызметкерлерді шыңдау

- Негізгі өндіріс пен ККЖ-ҰЕҚБЖ-да жұмыс істейтіндердің 92,7%-ы Қазақстан азаматтары. ККЖ-ҰЕҚБЖ қызметкерлерін есепке алмағанда, ТШО қызметкерлерінің 95,1%-ы қазақстандықтар. 1993 жылы бұл көрсеткіш 50% болатын.
- Жалпы басшылық құрамындағы жоғары және орта буын жетекшілердің 81%-ы қазақстандықтар үлесінде. ККЖ-ҰЕҚБЖ-ны есепке алмағанда қазақстандық жоғары және орта буын басшылардың жалпы үлесі 87,6%.
- Кадрларды оқыту және шыңдау бағытындағы тұрақты бағдарламалар нәтижесінде анағұрлым жауапты лауазымдарға жергілікті қызметкерлер көбірек тартылуда.

Әлеуметтік салаға үлес

- ТШО 1993 жылдан бері өз қызметкерлері мен Атырау облысы тұрғындарының игілігі үшін әртүрлі әлеуметтік жобаларға 2,9 миллиард АҚШ долларына жуық қаржы жұмсады. ТШО құрылған күнінен бастап, «Игілік» жобасына қоса, өзінің әлеуметтік инфрақұрылым бағдарламалары аясында Атырау облысында мектептер, ауруханалар, демалыс орындары, балабақшалар және басқа да қоғамдық нысандарды салу және жақсарту үшін 120-дан астам әлеуметтік инфрақұрылымдық жобаға инвестиция салды.
- ТШО 2010 жылдан 2023 жылға дейін денсаулық сақтау, білім беру, экономика және азаматтық қоғамды дамыту салаларындағы қауымдастықтың әл-ауқатын жақсартуға бағытталған әлеуметтік инвестициялар бағдарламасы шеңберіндегі 144 әлеуметтік жобаға қолдау көрсетті.
- ТШО 2024 жылы өзінің әлеуметтік инвестициялар бағдарламасы шеңберінде Атырау облысында денсаулық сақтау, білім беру сапасын көтеру және азаматтық қоғамды дамытуға бағытталған 15 әлеуметтік жобаны жүзеге асыруда.
- ТШО Жылыой ауданы мен Атырау облысындағы су тасқынымен күресуге шұғыл көмек көрсетуге, ұзындығы 16 шақырым бөгет салуға (Алмалы жобасы), сондай-ақ еріктілермен және ТШО қызметкерлерінің қайырымдылығын қоса алғанда 4,5 тонна гуманитарлық көмекпен қамтамасыз етуге, су деңгейі төмен түскен кезде қайта қалпына келтіру жұмыстарына 2 миллиард теңге бөлді.

Келешек кеңею жобасы – Ұңғы ернеуіндегі қысымды басқару жобасы

Жалпы мағлұмат

- ТШО серіктестері 2016 жылы Теңіз кен орнының өндірістік қуаттылығын арттырудың келесі кезеңі болып табылатын Келешек кеңею жобасы - Ұңғы ернеуіндегі қысымды басқару жобасын (ККЖ-ҰЕҚБЖ) қаржыландыруға қатысты қорытынды шешімнің қабылданғаны туралы хабарлады.
- ККЖ мұнай өндіру көлемін жылына шамамен 12 миллион тоннаға немесе тәулігіне 260 мың баррельге арттырмақ. Мұнай өндірудің жалпы көлемі жылына шамамен 39 миллион тоннаны немесе тәулігіне 850 мың баррельді құрайды.



Теңізшевройл Деректер мен дәйектер

2024 жылдың екінші тоқсаны

- ҰЕҚБЖ - ұңғымалардың ернеуіндегі қысымды төмендету және кейіннен қысымды арттыру есебінен Теңіздегі қолданыстағы қайта өңдеу зауыттарының жұмысын толық қуатта ұстап тұруға арналған.

Қазақстандық қамту

- ТШО КҚЖ-ҰЕҚБЖ жүзеге асырыла бастағаннан бері қазақстандық тауарлар мен қызметтерді сатып алуға 18,7 миллиардтан астам АҚШ долларын жұмсады.

Жоба бойынша жұмыстардың орындалу барысы

- ТШО бірінші өлшеу қондырғысын төмен қысымға ауыстырып және тиісті қысымды арттыру жүйесін (ҚАЖ) пайдалануға бере отырып, Теңіз мұнай кен орнында Ұңғы ернеуіндегі қысымды басқару жобасын (ҰЕҚБЖ) сәтті жүзеге асыруға кірісті. Бұл компанияның Теңіз кен орнындағы жалпы кеңейту жобасындағы маңызды кезең.
- Қосымша ҚАЖ компрессорлары іске қосылады, ал қалған есепке алу қондырғылары жыл соңына дейін қайта жабдықталады.
- КҚЖ-ҰЕҚБЖ – бұл білікті мамандарды даярлау, шетелдік компаниялармен серіктестік қатынас орнату арқылы технология алмасу және жергілікті инфрақұрылымды жаңғырту түрінде аймақта мұра қалдыруға ықпал ететін ұлттық маңызға ие жоба.